



## **Universitätsbibliothek Paderborn**

### **Instructio Practica ...**

De Conversatione Apostolica A Curatoribus Animarum piè & fructosè  
instituenda - Complectens vatos & solidos modos juvandi & consolandi  
diversorum Statuum Personas afflictas, præcipuè ægras & captivas

**Lohner, Tobias**

**Dilingae, 1677**

Memb. III. Ordo commendationis animæ.

[urn:nbn:de:hbz:466:1-48248](#)

## MEMBRUM III.

## Ordo commendationis animæ.

Kyrie eleison.

Christe eleison.

Kyrie eleison.

Sancta Maria,

Ora pro eo.

Omnes sancti Angeli &amp; Archangeli, Orate pro eo.

ora.

Sancte Abel,

orate.

Omnis chorus justorum,

orate.

Sancte Abraham,

ora.

Sancte Joannes Baptista,

ora.

Omnes sancti Patriarchæ &amp; Prophetæ,

orate.

Sancte Petre,

ora.

Sancte Paule,

ora.

Sancte Andrea,

ora.

Sancte Joannes,

ora.

Omnes sancti Apostoli &amp; Evangeliste,

orate.

Omnes sancti Discipuli Domini,

orate.

Omnes sancti Innocentes,

orate.

Sancte Stephane,

ora.

Sancte Laurenti,

ora.

Omnes sancti Martyres,

orate.

Sancte Silvester,

ora.

Sancte Gregori,

ora.

Sancte Augustine,

ora.

Omnes sancti Pontifices &amp; Confessores,

orate.

Sancte Benedicte,

ora.

Sancte Francisce,

ora.

Omnes sancti Monachi &amp; Eremitæ,

orate.

Sancta Maria Magdalena,

ora.

Sancta

*O. Moribundorum Visitatione.*

329

ora.

Sancta Lucia,	
Omnes sanctæ Virgines & Viduæ,	orate.
Omnes Sancti & Sanctæ Dei,	Intercedite pro eo.
Propitius esto,	Parce ei Domine.
Propitius esto,	Libera eum Domine.
Propitius esto,	Libera.
Ab ira tua,	Libera.
A periculo mortis,	Libera.
A mala morte,	Libera.
A pœnis inferni,	Libera.
Ab omnimalo,	Libera.
A potestate diaboli,	Libera.
Per nativitatem tuam,	Libera.
Per crucem & passionem tuam,	Libera.
Per mortem & sepulturam tuam,	Libera.
Per gloriosam resurrectionem tuam,	Libera.
Per admirabilem ascensionem tuam.	Libera.
Per gratiam Spiritus sancti paracliti,	Libera.
In die judicij,	Libera.
Peccatores,	Te rogamus audi nos.
Utei parcas,	Te rogamus.
Kyrie eleison.	Christe eleison.
Kyrie eleison.	

*Deinde cum in agone sui exitus anima auxiatur, dicantur sequentes Orationes.*

**P**roficiscere anima Christiana de hoc mundo, in nomine Dei Patris omnipotentis, quic te creavit: in nomine IESU Christi filii Dei vivi, qui pro te passus est: in nomine Spiritus sancti, qui in te effutus est: in nomine Angelorum & Archangelorum: in nomine Thronorum & Dominationum: in nomine Principatum & Potestatum: in nomine Cherubim,

X 3

& Se-

& Seraphim: in nomine Patriarcharum & Prophetarum: in nomine sanctorum Apostolorum & Evangelistarum: in nomine sanctorum Martyrum & Confessorum: in nomine sanctorum Monachorum & Eremitarum: in nomine sanctorum Virginum, & omnium Sanctorum & Sanctarum Dei: hodie sit in pace locus tuus, & habitatio tua in sancta Sion. Per eundem Christum Dominum nostrum. **R. Amen.**

*Oratio.*

**D**EUS misericors, Deus clemens, Deus, quicquid multitudinem miserationum tuarum peccata penitentium deles, & praeteritorum criminum culpas veniam remissionis evacuas: respice propitiū super hunc famulum tuum N. & remissionem omnium peccatorum suorum tota cordis confessione poscentem deprecatus exaudi. Renova in eo pissime Pater, quidquid terrena fragilitate corruptum, vel quidquid diabolica fraude violatum est: & unitati corporis Ecclesiae membrum redēptionis annexete. Miserere Domine gemitum, miserere lacrymarum ejus: & non habentem fiduciam, nisi in tua misericordia, ad tuæ sacramentum reconciliationis admitte. Per Christum Dominum nostrum. **R. Amen.**

**C**ommendo te omnipotenti Deo, charissime frater, & ei, cuius es creatura, committo: ut cum humanitatis debitum morte interveniente persolveris, ad auctorem tuum, qui te de limo terræ formaverat, revertaris. Egredienti itaque animæ tuæ de corpore splendidus Angelorum cœtus occurrat: iudex Apostolorum tibi senatus adveniat: candidato-

rum

tum tibi Martyrum triumphator exercitus obviet: liliata rutilantium te Confessorum turma circumdet: jubilantium te Virginum chorus excipiat: & beatæ quietis in sinu Patriarcharum te complexus astringat: mitis atque festivus Christi JESU tibi asperitus appareat, qui te inter assistentes sibi jugiter interesse decernat. Ignores omne, quod horret in tenebris, quod stridet in flammis, quod cruciat in tormentis. Cedat tibi teterimus satanas cum satellitibus suis: in adveniu tuo te comitantibus Angelis contremiscat, atque in æternæ noctis chaos immane diffugiat. Exurgat Deus, & dissipentur inimici ejus: & fugiant, qui oderunt eum, à facie ejus. Sicut deficit fumus, deficiant: sicut fluit cera à facie ignis, sic pereant peccatores à facie Dei: & justi epulentur, & exultent in conspectu Dei. Confundantur igitur & erubescant omnes tartareæ legiones, & ministri satanæ iter tuum impedire non audeant. Liberet te à cruciatu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus filius Dei vivi intra paradisi sui semper amœna virentia, & inter oves suas te verus ille Pastor agnoscat. Ille ab omnibus peccatis tuis te absolvat; atque ad dexteram suam in electornm suorum te sorte constitutus. Redemptorem tuum facie ad faciem videoas, & præsens semper assistens, manifestissimam beatis oculis aspicias veritatem. Constitutus igitur inter agmina beatorum, contemplationis divinæ dulcedine potiaris in sæcula sæculorum. ¶ Amen.

**S**uscipe Domine servum tuum in locum sperandem sibi salvationis à misericordia tua. Rx. Amen. Libera Domine animam servi tui ex omnibus periculis inferni, & de laqueis pœnarum, & ex omnibus tribulationibus. Rx. Amen.

Libera Domine animam servi tui, sicut liberasti Enoch & Eliam de cōmuni morte mundi. Rx. Amen.

Libera Domine animam servi tui, sicut liberasti Noë de diluvio. Rx. Amen.

Libera Domine animam servi tui, sicut liberasti Abraham de Vr Chaldæorum. Rx. Amen.

Libera Domine animam servi tui, sicut liberasti Job de passionibus suis. Rx. Amen.

Libera Domine animam servi tui, sicut liberasti Isaac de hostia, & de manu Patris sui Abrahæ. Rx. Amen.

Libera Domine animam servi tui, sicut liberasti Lot de Sodomis, & de flamma ignis. Rx. Amen.

Libera Domine animam servi tui, sicut liberasti Moysen de manu Pharaonis Regis Ægyptiorum. Rx. Amen.

Libera Domine animam servi tui, sicut liberasti Danielem de lacu leonum. Rx. Amen.

Libera Domine animam servi tui, sicut liberasti tres pueros de camino ignis ardentis, & de manu Regis iniqui. Rx. Amen.

Libera Domine animam servi tui, sicut liberasti Susannam de falso crimine. Rx. Amen.

Libera Domine animam servi tui, sicut liberasti David de manu Regis Saul, & de manu Golix. Rx. Amen.

Liber

Libera Domine animam servi tui, sicut liberasti  
Petrum & Paulum de carceribus. Rx. Amen.

Et sicut beatissimam Theclam Virginem & Ma-  
tyrem tuam de tribus atrocissimis tormentis liberâ-  
sti, sic liberare digneris animam huius servi tui, &  
tecum facias in bonis congaudere cælestibus. Rx. A-  
men.

## Oratio.

**C**ommendamus tibi Domine animam famuli tui  
**N.** precamurque te, Domine JESU Christe, Sal-  
vator mundi, ut propter quam ad terram misericor-  
diter descendisti, Patriarcharum tuorum finibus in-  
snuare non renuas. Agnosce Domine creaturam  
tuam, non à dijs alienis creatam, sed à te solo DEO  
vix & vero: quia non est aliis DEVS præter te, &  
non est secundum opera tua. Lætifica, Domine, ani-  
mam ejus in conspectu tuo, & ne memineris iniqui-  
tatum ejus antiquarum, & ebrietatum, quas suscita-  
vit furor, sive fervor mali desiderij. Licet enim pec-  
caverit, tamen Patrem, & Filium, & Spiritum san-  
ctum non negavit, sed credidit, & zelum DEI in se  
habuit, & DEV M, qui fecit omnia, fideliter adoravit.

## Oratio.

**D**elicta juventutis, & ignorantias ejus, quæsu-  
mus, ne memineris Domine, sed secundum  
magnam misericordiam tuam memor esto illius in  
gloria claritatis tuæ. Aperiantur ei cæli, collæten-  
tur illi Angeli. In regnum tuum Domine servum  
tuum suscipe. Suscipiat eum sanctus Michaël Arch-  
angelus DEI, qui militiæ cælestis meruit principa-  
tum. Veniant illi obviam sancti Angeli DEI, & per-  
ducant eum in civitatem cælestem Jerusalém. Susci-  
piat eum beatus Petrus Apostolus, cui à DEO claves

X 5 regni

regni cælestis traditæ sunt. Adjuvet eum sanctus Paulus Apostolus, qui dignus fuit esse vas electionis. Intercedat pro eo sanctus Joannes electus DEI Apostolus, cui revelata sunt secreta cælestia. Orient pro eo omnes sancti Apostoli, quibus à Domino data est potestas ligandi atque solvendi. Intercedant pro eo omnes Sancti & Electi DEI, qui pro Christi nomine tormenta in hoc sæculo sustinuerunt: ut vinculis carnis exutus, pervenire mereatur ad gloriam regni cælestis: præstante Domino nostro JESU Christo: Qui cum Patre, & Spiritu sancto vivit & regnat in sæcula sæculorum. Rx. Amen.

## M E M B R U M I V.

Tres piæ & utiles morientibus orationes cum tribus Pater & Ave in agone mortis recitandæ.

Kyrie eleison. Christe eleison. Kyrie eleison.  
Pater noster. Ave Maria.

*Oratio.*

**D**omine JESU Christe, per tuam sanctissimam agoniam & orationem, quâ orâsti pro nobis in monte Oliveti, quando factus est sudor tuus sicut guttae sanguinis decurrentis in terram: obsecro te, ut multitudinem sudoris tui sanguinei, quem prætimoris angustia copiosissimè pro nobis effudisti, offerre & ostendere digneris DEO Patri omnipotenti contra multitudinem omnium peccatorum hujus famuli tui N. & libera eum in hac hora mortis suæ ab omnibus pœnis & angustiis, quas pro peccatis suis servat meruisse. Qui cum Patre & Spiritu sancto vivis & regnas DEUS in sæcula sæculorum. Rx. Amen.

Kyrie eleison. Christe eleison. Kyrie eleison.  
Pater noster. Ave Maria.

*Oratio.*